



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

XVI.

urn:nbn:de:hbz:466:1-11903

inanes judicatae sunt. † Consilium Aulicum denuò paritionem injungit : literas addit Cæsar , quibus ad obedientiam urbem hortatur. Senatus nihil hisce melior veteres † prætextus allegat, pro Electore preces ut notam Superioritatis exigi, quam subire salvâ libertate nequeant. Inductos hortationibus Schmidburgii quosdam, ut in præscriptas preces consentirent, at citrà libertatis præjudicium fore contestatos esse, cui periculo necdum satis consultum. Hæc cum multis ergà Papium gravaminibus Cæsari perscripta. Simul † datæ ad Electorem litteræ: nollet dilationem precum, excusationes Cæsari factas, contumaciæ imputare; talia esse, quæ jusjurandum, quo Reip. obstructi, extrema etiam necessitas imperet. Nolle Senatum quippiam de juribus Eminentissimi diminutum, quorum integritas omnibus curæ sit, solo eo se contentos, si penes majorum instituta relinquuntur. Novit Elector veterem astum, quo verbadare Erfurtenses, & illa ambigua solent. Epistolam † Senatui tanquam absolum remisit.

Hallenhorstium, † & Kniphovium Senatu motos alibi dictum, pœnitentiâ ducti gratiam Domini respexere. Primo Hallenstorstius datâ emendationis fide restitutus est, ut non minus in morigeros Clementem, quam in pertinaces severum Elector se probaret. Datis ad Senatum litte-

Paritio in puncto precum denuò injungitur.

Senatus veteres excusationes adfert.

Scribit Electori.

Ille epistolam remittit.

XVI.

Hallenhorstium & Kniphovium restituit.

literis Hallenhorstium exorasse Clementiam suam nunciat, proinde loco veteri dignitatibus, & Consulatu restitutum agnosceret, salarium tempore suspensionis retentatum solveret. Kniphovius etiam Electorem placavit, ex cujus intercessione à Cæsare restitutus est. Quæstæ olim Civitas Cives hos, quod libertatem sibi curæ habuissent, ab officiis motos, nec tamen jam eorum restitutio tranquillè suscepta, † scilicet alii desertas ab istis potestates jam occupaverant, unde privatae utilitatis timor. Præterea vulgi odiis à seditiosis exponebatur, quidquid à Moguntinis actum: edere exemplum neminem in Curia nisi favore Moguntino persistere, invadere Magistratum ordinandi potestatem, in qua maximum Reip. momentum consistat. Illi contra, partem læsam Electorem esse, qui meritam poenam rectè condonet, gravari non posse Civitatem, si restituantur, qui nil in eam peccârint. Consul Bergerus, & Syndicus, omni Consilio restitutionem istorum & preces impediunt. Elector iterum Cæsarem implorat: continuare pertinaciam Erfurtenes, preces ex re judicatâ, transactione, rescriptis Cæsareis debitas adhuc negari, illud Imperatoriæ Majestati, despici auctoritatem Sedis, & leges Civitatis, quæ semel conclusa infringi à successoribus nolint, everti. Dare Erfurtenes licentiæ exemplum, ea agere, quæ

Ingrata hæc restitutio & cur?

Electoris querela ad Cæsarem.

jura

jura Electoris invertant, & ipsam Civitatem novis motibus immiscebunt. Dignaretur Cæsar declarare, Senatum & pertinaces in minitatum sæpius multam incidisse, non ex ærario Urbis, ne simul innocentes puniantur, sed ex morosorum bonis extorquendam. Paritionem arctiori mandato sub privilegiorum & libertatum periculo imperare, Baroni Schmidburgio executionem committere, ut obedientiam exigat, Civitatem quieti restituat, turbarum Duces Consulem & Syndicum carceribus coercere, in eorum delicta inquiret, innocentes tueatur, restitutos in Curiam introducat, ac super his omnibus suæ Majestati referat.

Senatus † ob hæc metu percussus, quod intelligeret sibi novam legationem intendi, quæ valentibus remediis negatam Imperatori obedientiam extorqueret, Cæsari coloribus pristinis morositatem adumbrat, Saxones de protectione monet, vellent apud Cæsarem pro Urbe intervenire. Isti querelis persuasi Cæsari supplicat: † nolit Civitatem sumtuosis commissionibus ulterius gravare, aperiret processum ad deducenda gravamina, non de pace publica, neque executione ejus agi, quod ita in plano decurratur. De sensu Decreti in puncto precum, de justitia receptionis controversi, an contra veterem observantiam præsertim ab hominibus gratiæ & metui obnoxiiis promitti potuerint. Obesse

U

liber-

XVII.

*Molimina
Senatus ad-
versus Mo-
guntinos.*

*Saxones
gravamina
Cæsari pro-
ponunt.*